



SAJWV LIGA SKIETKOMPETISES

SKIETOEFENING VIR PRESIDENT- EN INTERTAK SPANSKIETKOMPETISIES

Hierdie saamgestelde skietoefening word gebruik vir beide die Presidentskietkompetisie en die Intertak Spanskietkompetisie op streek of provinsiale en nasionale vlak en bestaan uit twee skietoefeninge naamlik 'n vlakke- en 'n bosveldskietoefening.

SKIETOEFENING 1: VLAKTE (SPRINGBOK)

1. Inleiding

Die skietoefening verskil van die standaard Vlakteskietoefening in terme van 'n vierde oefening {item 7 (d)} wat bygevoeg is.

2. Teiken

Die Springbok-teiken van die SAJWV word gebruik of enige ander teiken van tyd tot tyd deur die skietkomitee goedgekeur. Die kop van die dier mag na links of regs wys (anders-om gedruk).

3. Universele reëls by skietoefeninge

Sien aparte dokument "Universele reëls by skietoefeninge" – dokument: J006.34.04A - vir beskrywing van algemene (universele) items.

4. Standaardbevele

Sien "Skietbaan veiligheidsreëls vir Deelnemers" en "Standaardbevele op die skietbaan" - dokument: J006.35.01A - vir laai, ontlai en veiligheidsprosedures.

5. Kaliber

Enige senterslagkaliber.

6. Visiere of teleskope


Geen beperking op visiere of teleskope nie.

7. Oefening (item verwysings na die dokument "Universele reëls by skietoefeninge")

- a. Vanaf **300 meter** word **drie skote** in **120 sekondes** vanuit die lê posisie met beperkte ondersteuning voor en agter geskiet (verwys na item 18.1.3).
- b. Vanaf **200 meter** word **drie skote** in **120 sekondes** vanuit die lê posisie met ondersteuning slegs voor geskiet (verwys na item 18.1.2).
- c. Steeds vanaf **200 meter** na 10 min toegelaat is vir gewere om af te koel, word **drie skote** in **120 sekondes** vanuit die sitposisie met vrye ondersteuning geskiet (verwys na item 18.2.3).
- d. Vanaf **100 meter** word **drie skote** in **120 sekondes** vanuit die sitposisie sonder enige bykomende ondersteuning geskiet (verwys na item 18.2.1).

8. Puntetelling

Die maksimum puntetelling vir hierdie skietoefening is 360. Aangesien hierdie skietoefening net gebruik word tydens streek of provinsiale en nasionale kompetisies, word daar nie skietbalkies daarvoor uitgereik nie.



Teiken werklike grootte: W x H = 680 x 1000mm.

Teiken areas	W x H mm	Area cm ²	vs Hart
Kop brein/skedel:	120 x 85	94	160%
Hart:	86 x 88	58	--
V-hart:	51 dia	20	33%
Sentrale hart/long:	145 x 154	203	350%
Groter long/rugwerwel:	185 x 190	344	590%

Nekwerwel: 45 mm wyd

Die tellings is op die teiken gedruk.

Die werklike lyne op die dier is dun rooi lyne wat nie op 'n afstand sigbaar is nie.

SKIETOEFENING 2: BOSVELD

1. Inleiding

Die skietoefening verskil van die standaard Bosveldskietoefening in terme van 'n vierde oefening {item 7 (d)} wat bygevoeg is.

2. Teiken

Die Blouwildebees-teiken of die Sebra-teiken van die SAJWV word gebruik of enige ander teiken van tyd tot tyd deur die skietkomitee goedgekeur. Die kop van die dier mag na links of regs wys (anders-om gedruk).

3. Universele reëls by skietoefeninge

Sien aparte dokument "Universele reëls by skietoefeninge" – dokument: J006.34.04A - vir beskrywing van algemene (universele) items.

4. Skietbaan veiligheidsreëls en Standaardbevele

Sien "Skietbaan veiligheidsreëls vir Deelnemers" en "Standaardbevele op die skietbaan" - dokument: J006.35.01A - vir laai, ontlaai en veiligheidsprosedures.

5. Kaliber

Minimum kaliber is **6.5mm (.264)**. Die 25-06 Rem (.257 kaliber) kwalifiseer nie. Minimum koeëlgewig word nie voorgeskryf nie om moderne ligter monolitise koeëls ook te akkommodeer. Let daarop dat alle koeëlgewigte vir hierdie skietoefening toegelaat, nie noodwendig geskik mag wees vir aanwending op die voorgestelde spesie op die teiken nie. Dit is die jagter se verantwoordelikheid om seker te maak dat die ammunisie wat gebruik word op die jag, geskik is vir die dier wat gejag word.

6. Visiere of teleskope

Teleskope se vergroting word tot 'n maksimum van **10x** beperk vir die hele skietoefening (12 skote) en mag nie tussen skote en/of oefeninge op groter as 10x vergroting gestel word nie – om bv. te dien as "spotting scope" is nie toelaatbaar nie.

7. Oefening (item verwysings na die dokument "Universele reëls by skietoefeninge")

- Vanaf **150 meter** word **drie skote** in **90 sekondes** geskiet vanuit die knielposisie met skietstokke, vrye ondersteuning (verwys na item 18.3.2).
- Vanaf **100 meter** word **drie skote** in **90 sekondes** geskiet vanuit die staanposisie met skietstokke, vrye ondersteuning (verwys na item 18.4.4)
- Vanaf **50 meter** word **drie skote** in **30 sekondes** geskiet vanuit die vryhand staanposisie (verwys na item 18.4.1)
- Vanaf **50 meter** word **drie snapskiet skote** geskiet vanuit die **vryhand staanposisie** (verwys na item 18.4.1). Op die bevel "*Almal is gereed – sluit die grendel en staan by*" – met die snellervinger langs die snellerbeuel – word die wapens gereedgemaak en in 45 grade posisie na die grond gehou. Wanneer die fluitjie geblaas word of die bevel "*vuur*" mag die skut sy geweer lig en slegs een skoot moet binne **5 sekondes** gevuur word. Op die bevel van die baanoffisier word die jagwapens weer oorgehaal en die proses word nog tweekeer herhaal vir 'n totaal van 3 skote met ongeveer 10 sekondes tussen die skote vir oorhaal. By voltooiing van die 3 snapskote moet die skuts verseker dat alle rondtes wat nie in die voorgeskrewe tyd geskiet is nie, verwyder word uit die jagwapens.

8. Puntetelling

Die maksimum puntetelling vir hierdie skietoefening is 360. Aangesien hierdie skietoefening net gebruik word tydens streek of provinsiale en nasionale kompetisies, word daar nie skietbalkies daarvoor uitgereik nie.

Presidentskietkompetisie - Platinum toekenning

Die totale puntetelling vir albei bogenoemde skietoefeninge is 720 punte. Die minimum vereiste vir die behaling van die Platinum balkie/ toekenning wat slegs tydens die Presidentskietkompetisies verwerf kan word, is 'n totaal van minstens 610 punte (85%) uit die total van 720 punte vir die twee skietoefeninge tesame. Verder moet die skut ook minstens 290 punte (80%) uit 360 vir elke skietoefening afsonderlik behaal.




Teiken werklike grootte: WxH = 1000 x 750mm

Teiken areas	W x H mm	Area cm ²	vs Hart
Brein/skedel	136 x 96	102	80 %
Hart	117 x 135	128	--
V-hart	73 dia	42	33%
Sentrale hart/long	210 x 230	440	340 %
Groter hart/long	270 x 310	820	640 %

Nekwerwel: 70mm wyd

Die tellings is op die teiken gedruk.

Die werklike lyne op die dier is dun rooi lyne wat nie op 'n afstand sigbaar is nie.



Teiken werklike grootte: WxH = 750 x 1000mm

Teiken areas	W x H mm	Area cm2	vs Hart
Brein/skedel	115 x 105	102	80%
Hart	117 x 135	128	--
V-hart	73 dia	42	33%
Sentrale hart/long	200 x 250	440	340%
Groter hart/long	270 x 310	820	640%

Nekwerwel: 70mm wyd

Die tellings is op die teiken gedruk.

Die werklike lyne op die dier is dun rooi lyne wat nie op 'n afstand sigbaar is nie. Blouwildebees en Sebra se vitale areas is presies dieselfde grootte